



Broj: 2211-09-3 /25
Dana: 21.11.2025. godine

Na osnovu člana 64. stav (1) tačka b), i člana 70. Zakona o javnim nabavkama („Sl. glasnik BiH“, broj 39/14, 59/22 i 50/24), u skladu sa članom 4. (stav 2) Pravilnika o uslovu i načinu korištenja e-aukcije („Službeni glasnik BiH“ broj 80/23), preporuke Komisije za javne nabavke JU Srednje zubotehničke škole Sarajevo, i zapisnika o pregledu i ocjeni ponuda broj: 2213-09-3/25 od 18.11.2025.godine, u postupku javne nabavke stomatološke opreme, direktor donosi:

O D L U K U
O IZBORU NAJPOVOLJNIJEG PONUĐAČA
-konkurentski zahtjev za dostavu ponuda-

I.

Na osnovu Zapisnika o pregledu i ocjeni ponuda sa preporukom Komisije za javne nabavke, kao najpovoljnija ponuda za nabavku robe –nabavka stomatološke opreme, bez održane e-aukcije, ocjenjuje se ponuda ponuđača „Dental grupa“ d.o.o. Sarajevo, zaprimljena pod djelovodnim brojem: 2205-09-3/2025 od 14.11.2025. godine u iznosu od 17.102,66 KM bez PDV-a.

II.

Prijedlog ugovora o nabavci dostavit će se na potpis izabranom ponuđaču „Dental grupa“ d.o.o. Sarajevo u roku od 10. dana od dana okončanja postupka javne nabavke.

III.

Ova odluka i obavještenje o rezultatima postupka dostavit će se svim ponuđačima koji su učestvovali u postupku javne nabavke, u skladu sa članom 70. stav 6. i članom 71. Zakona o javnim nabavkama Bosne i Hercegovine.

IV.

Ova odluka stupa na snagu danom donošenja.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: nabavka stomatološke opreme, Školski odbor JU Srednje zubotehničke škole Sarajevo, donio je Odluku o pokretanju postupka javne nabavke broj: 1983-01-1/25 od 14.10.2025. godine, putem konkurentskog zahtjeva za dostavu ponuda. Procijenjena vrijednost javne nabavke bez PDV-a je do 17. 127,35 KM odnosno 20.038, KM sa PDV-om. U skladu sa naprijed navedenom Odlukom, ugovorni organ je objavio obavještenje o nabavci na portalu javnih nabavki, broj obavještenja: Obavještenje o nabavci: 5564-7-1-84-3-8/25. Dana 27.10.2025.godine u 09 sati i 16 minuta i 25 sekundi putem portala Javnih nabavki, ponuđač Primadent d.o.o.Banja Luka - Bojana Savić uputila je pitanje ugovornom organu koje glasi: „Poštovani, Molimo Vas da se tenderska dokumentacija izmijeni u smislu da se navedu minimalne karakteristike traženih aparata. Svaki od navedenih aparata ima više modela, npr. aparat Euronda Euroseal čije karakteristike uopšte nisu opisane, postoji u tri modela Euroseal Infinity, Euroseal Valida, Euroseal 2001 Plus, a svaki model ima drugačije karakteristike, što ponuđače dovodi u zabludu i ostavlja prostor za favoriziranje nekog od ponuđača. Unaprijed se zahvaljemo na ažurnosti. Lijep pozdrav.“ Na navedeno pitanje Javna ustanova Srednja zubotehnička škola-Elvira Gradišić je dana 28.10.2025.godine u 11 sati i 07 minuta i 29 sekundi



odgovorila, Poštovani, Informišemo Vas da ćemo pristupiti izmjeni i dopuni tenderske dokumentacije. " Uvažavajući zahtjev ponuđača Primadent d.o.o. Banja Luka, ugovorni organ je izvršio izmjenu i dopunu tenderske dokumentacije u traženom dijelu, te u skladu sa tim na portalu javnih nabavki BiH objavio „Ispravka za obaveštenje o nabavci broj 5564-7-1-84-8-9/25 od 28.10.2025.godine, čime je rok za dostavu ponuda produžen za sedam dana. Nakon toga, dana 03.11.2025. godine u 3 sata i 38 minuta i 01 sekundi, ponuđač Primadent d.o.o. Banja luka-Bojana Savić uputila je novo pitanje ugovornom organu koje glasi: "Poštovani, S obzirom da smo prethodno tražili da se navedu minimalne karakteristike svih traženih aparata, a da je praktično izvršena izmjena samo stavke1-APARAT ZA ZAVARIVANJE ROLNI ZA STERILIZACIJU, molimo Vas da nam kod stavke 2.- SAMOSTOJEĆI AUTOKLAV razriješite dilemu, da li se ovdje radi o medicinskom sredstvu (što se može zaključiti iz navedenog u opisu), te da u slučaju da se slažete sa nama tendersku dokumentaciju dopunite, u smislu da je za ovu stavku potrebno Rješenje o registraciji kod nadležne Agencije za lijekove i medicinska sredstva BiH.U slučaju da ovo ne učinite, smatrat ćemo da je upitanju favorizacija medicinskog sredstva koje nije registrovano u Agenciji za lijekove i medicinska sredstva. Lijep pozdrav". Na postavljeno pitanje, ugovorni organ je dana 06.11.2025.godine odgovorio: „Poštovani, Na Vaš zahtjev smo i prvom izmjenom i dopunom tenderske dokumentacije dopunili minimalne karakteristike svih aparata ili ekvivalent. I ovaj put ćemo udovoljiti Vašem zahtjevu, te kao Ugovorni organ pristupiti izmjeni i dopuni tenderske dokumentacije. Dana 07.11.2025.godine, Ugovorni organ je na portalu javnih nabavki BiH, objavio Ispravka za obaveštenje o nabavci broj 5564-7-1-84-8-10/25, kojim je rok za dostavljanje ponuda produžen za još sedam dana tačnije do 17.11.2025.godine do 10:00 časova. Do ostavljenog roka za predaju ponuda na adresu ugovornog organa putem protokola, pristigle su sljedeće ponude ponuđača: „Dental grupa“ d.o.o. Sarajevo i Primadent d.o.o. Banja Luka.

Na javnom otvaranju ponuda, koje je održano isti dan u 11:00 sati, bez prisustva predstavnika ponuđača, pročitani su nazivi ponuđača i ponuđene cijene.

Nakon javnog otvaranja ponude, Komisija se sastala radi evaluacije ponuda, odnosno detaljne analize i konstatovala sljedeće:

- Ponuda ponuđača „Dental grupa“ d.o.o. Sarajevo, Komisija je ocijenila formalno-pravno, tehnički i računski ispravnom i prihvatljivom za ugovorni organ. U smislu člana 68. (stav 4) tačka i) Zakona o javnim nabavkama Bosne i Hercegovine, ponuda ponuđača Primadent d.o.o. Banja Luka nije potpuna i ne ispunjava zahtjeve iz tenderske dokumentacije, te je ocijenjena kao NEPRAVILNA jer nisu dostavili važeće Rješenje o upisu u registar uvertigovaca medicinskih sredstava, izdato od strane Agencije za lijekove i medicinska sredstva BiH, a što je traženo izmjenom i dopunom tenderske dokumentacije, broj obaveštenja sa portala javnih nabavki 5564-7-1-84-8-10/25. U skladu sa članom 4. (stav 2) Pravilnika o uslovima i načinu korištenja e-aukcije, e-aukcija nije sprovedena jer je dostavljena samo jedna prihvatljiva ponuda. Komisija za javne nabavke škole je nakon evaluacija ponuda, ocijenila da je ponuda ponuđača „Dental grupa“ d.o.o. Sarajevo, prihvatljiva za nabavku predmetne robe, uz ponudenu cijenu navedenu u dispozitivu ove Odluke, pa je predložila direktoru JU Srednje zubotehničke škole Sarajevo da se ugovor dostiže ovom ponudom.

Direktor JU Srednje zubotehničke škole Sarajevo je razmotrio dostavljenu preporuku Komisije, te nakon analize cjelokupnog provedenog postupka, istu prihvatio.

Naime, u postupku po izvještaju o radu je utvrđeno je da je Komisija za javne nabavke škole blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2



- da je blagovremeno zaprimljeno 2 ponude.
- da su neblagovremeno zaprimljene 0 ponuda.
- da je ponuda ponuđača: „Dental grupa“ d.o.o. Sarajevo, prihvatljiva dok ponuda ponuđača Primaident d.o.o, je nepravilna jer nije u skladu sa zahtjevima iz tenderske dokumentacije, odnosno navedeni ponuđač, na čiji se zahtjev tenderska dokumentacija dva puta mijenjala i dopunjavala, te dva puta produžavan rok od po sedam dana za dostavu ponude, nije dostavio važeće Rješenje o upisu u registar veletrgovaca medicinskih sredstava, izdato od strane Agencije za lijekove i medicinska sredstva BiH.
- U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prisjeplih ponuda, shodno kriterijima iz tenderske dokumentacije.
- U postupku ocjene provedenog postupka, direktor ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke škole.
- Naine, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen bez provođenja e-aukcije jer je zaprimljena samo jedna prihvatljiva ponuda iz kog razloga se e-aukcija nije mogla zakazati, a što je u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- najniže cijene, kako slijedi:

R.br.	Naziv / ime ponuđača	Ponuđena cijena (bez PDV-a)	Ukupan broj bodova
1.	„Dental grupa“ d.o.o. Sarajevo	17.102,66 KM	/

Izabrani ponuđač „Dental grupa“ d.o.o. Sarajevo, izabran je primjenjujući kriterij najniža cijena, bez održavanja e-aukcije, koja je ponuđena u iznosu od **17.102,66 KM bez PDV-a, odnosno 20.010,11 KM sa PDV-om.**

Imajući u vidu naprijed izrečeno, direktor JU Srednje zubotehničke škole Sarajevo je na osnovu člana 64. stav 1. tačka b) a u vezi sa članom 89. (stav 3) Zakona o javnim nabavkama), donio odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa JU Srednja zubotehnička škola Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke. Ako u roku za izjavljivanje žalbe nije dostavljen dokaz iz člana 105. stava (1) tačka i) Zakona o javnim nabavkama BiH, u iznosu propisanim članom 108. Zakona o javnim nabavkama BiH, na osnovu kojeg se može nesumnjivo utvrditi da je transakcija izvršena, ugovorni organ odbacuje žalbu kao neurednu bez pozivanja žalioaca na dopunu ili ispravak. Na ovaj zaključak ugovornog organa žalilac nema pravo KRŽ-U i on je konačan.

Dostavliti

1. Ponudacima (X2)
2. uz materijal JN

DIREKTOR
Haris Hamzić
Haris Hamzić